



**CANTON SARAJEVO**  
**Cantonal Civil Protection Administration**  
**Operational Center**

Broj: 04-40-1-309/21  
Sarajevo, 06.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**

**za period od 08:30 sati 05.11.2021. do 08:30 sati 06.11.2021. godine**

U toku jučerašnjeg dana zbog obilnih padavina koje su pogodile područje Kantona Sarajevo, došlo do porasta nivoa vodostaja svih vodotokova, kao i pojava bujičnih, oborinskih i podzemnih voda, uslijed čega je na području općina: Ilidža, Novi Grad i Trnovo došlo do poplava.

Direktor Kantonalne uprave civilne zaštite Kantona Sarajevo je odmah izašao na najugroženija područja od poplava na području općina Ilidža i Novi Grad kako bi koordinirao sa općinama i KJKP na preduzimanju neophodnih mjera i aktivnosti na zaštiti i spašavanja ljudi i materijalnih dobara. Po nalogu direktora Kantonalne uprave civilne zaštite Kantona Sarajevo angažovane su organizovane strukture zaštite i spašavanja Kantona Sarajevo (pripadnici Profesionalne vatrogasne jedinice i službi zaštite i spašavanja formiranih u Gorskoj službi spašavanja, KJKP Vodovod i kanalizacija, KJKP Park, Bosman d.o.o. Sarajevo, Crvenom križu Kantona Sarajevo i JU Zavod za javno zdravstvo Kantona Sarajevo).

U toku dana održana je vanredna sjednica Štaba civilne zaštite Kantona Sarajevo na kojoj je analizirano stanje na području Kantona Sarajevo prouzrokovano poplavama, te odlučeno da se sve organizovane snage civilne zaštite Kantona Sarajevo sa svojim ljudskim resursima i opremom



angažuju na područjima koja su ugrožena od poplava, te da se sve mjere i aktivnosti na otklanjanju posljedica od poplava vrše u koordinaciji sa općinskim strukturama civilne zaštite. Također, je utvrđeno, da su mjere koje su naložene Štabu civilne zaštite Kantona Sarajevo i Kantonalnoj upravi civilne zaštite Kantona Sarajevo provode tokom čitavog dana i da će iste biti nastavljene i u narednom periodu.

### **Općina Ilidža**

Na području Općine Ilidža:

- Izlila se rijeka Tilava u MZ Donji Kotorac od entitetske granice nizvodno do ušća rijeke Tilave u rijeku Željeznice i poplavila oko 20 kuća.
- Izlila se rijeka Željeznica u major korito na potezu od ratnog mosta do mosta na ulazu u Otes, kao i poslije regulisanog korita sve do ušća rijeke Željeznice u rijeku Bosnu, te u naselju Vreoca. Poplavljeno je ukupno oko 80 objekata.
- U naselju Vlakovo došlo je do plavljenja oko šest objekata koji su poplavljeni površinskim vodama odnosno sa gradilišta koridora Vc.

Na otklanjanju posljedica od poplava na području Općine Ilidža angažovane su organizovane strukture civilne zaštite Općine Ilidža (Služba za civilnu zaštitu Ilidža, povjerenici civilne zaštite, službe zaštite i spašavanja formirane u JP Ilidža, VD Ilidža, GSS Ilidža, Crveni križ Ilidža, Bosman d.o.o. i Mevludin Comerc d.o.o., te firma Stambolić), organizovane strukture civilne zaštite Kantona Sarajevo (Profesionalna vatrogasna jedinica i službe zaštite i spašavanja) i Federalne uprave civilne zaštite. Navedene strukture zaštite i spašavanja sa ljudstvom, opremom i mehanizacijom su bile anažovani na: čišćenju korita rijeke Tilave ispod mostova i pravljenju nasipa od vreća sa pijeskom u MZ Donji Kotorac; postavljanju nasipa u dijelu korita rijeke Željeznice kod samih mostova, ispred stambenog kompleksa Viktorija, kao i stambenog kompleksa Weaes, te u naselju Vreoca i saniranju posljedica od poplava u naselju Vlakovo i na podijeli vreća sa pijeskom građanima. Izvršena je evakuacija 55 osoba iz prizemnih prostorija doma za starija lica na prvi sprat doma i istim je dostavljena hrana i lijekovi. Također, je izvršena evakuacija oko 50 osoba iz poplavljenih stambenih objekata iz ulica: Spomenik, Sastavci, Terovića i Barska, koji su smješteni kod svoje rodbine, iako im je bio ponuđen alternativni smještaj.

Po nalogu direktora Kantonalne uprave civilne zaštite Kantona Sarajevo Služba za smještaj ugroženog i nastradalog stanovništva i snabdijevanje, koja je formirana u Crvenom križu Kantona Sarajevo, dostavila je 25 paketa sa hranom i drugim potrepštinama osobama smještenim u domu za starije i 25 paketa MZ Otes (sekretaru), koje će organizovane strukture civilne zaštite uručiti ugroženom stanovništvu u navedenoj MZ.

U toku dana Općinski štab civilne zaštite Ilidža je održao dvije vanredne sjednice na kojima je analizirano stanje na područjima koja su ugrožena od poplava, te su utvrđene konkretne mjere i radnje koje se trebaju preduzeti na otklanjanju posljedica od poplava i određeni koordinatori po zonama za provođenja istih na terenu. Navedene mjere su polučile dobre rezultate i zahvaljujući istim nije bilo ljudskih žrtava, te je došlo do kontrolisane situacije i sprečavanja daljeg plavljenja i ugrožavanja materijalnih dobara. Općinski štab civilne zaštite Ilidža je u cilju praćenja situacije, izvještavanja i eventualnog preduzimanja preventivnih mjera na zaštiti ljudi i materijalnih dobara



web: <https://kucz.ks.gov.ba>

e-mail: [oc@kucz.ks.gov.ba](mailto:oc@kucz.ks.gov.ba)

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

donio naredbu o uvođenju dežurstva u naredna 24 sata, te donio odgovarajuće odluku o nabavci prehrambenih i higijenskih paketa u količini od 300 komada i podjeli istih po kritičnim lokalitetima.

Poplave su prouzrokovale značajne materijalne štete na pokretnoj i nepokretnoj imovini, fizičkih i pravnih lica, naročito na u MZ: Osjek, Otes, Butmir i Donji Kotorac.

Ekipe civilne zaštite općine Ilidža su na terenu prate situaciju i preduzimati će neophodne mjere na otklanjanju posljedica od poplava i na pružanju pomoći stanovništvu na ugroženim područjima.

### **Općina Novi Grad**

Na području Općine Novi Grad došlo je do izlivanja rijeke Bosne u ul. Dobroševićka br. 152. i 154., kao i u naseljima Rajlovac i Reljevo, koja je poplavila više stambenih i pomoćnih objekata, kao i industrijsku zonu u Rajlovcu (poplavljene je više firmi, među njima i punionica kisika Messer, trafostanica od 110 KV i tržni centra Robot).

Na otklanjanju posljedica od poplava angažovane su organizovane strukture civilne zaštite Općine Novi Grad, Kantona Sarajevo i Federalne uprave civilne zaštite, koje su sa ljudstvom, opremom i mehanizacijom radili na sprječavanju i otklanjanju posljedica od poplava (pravljenju nasipa od vreća sa pijeskom i od tvrdog materijala, pročišćavanju korita rijeke Bosne, izvršili evakuaciju 80 osoba iz stambenih i privrednih objekata, evakuaciju određenog broja grla stoke i dostavili hranu i ostale potrepštine osobama koje nisu htjeli da se evakušu).

Ekipe Općinske službe civilne zaštite Novi Grad su na terenu, prate situaciju i preduzimati će neophodne mjere na pružanju pomoći stanovništvu na ugroženim područjima.

### **Općina Trnovo:**

Na području Općine Trnovo:

- Izlila se rijeka Željeznica i poplavila lokalni put za Godinu i magistralni put Trnovo-Brana Bogatići;
- Izlila se rijeka Krstinja i poplavila regionalni put u naseljima Pendičići i Gračenica i oko 20 stambenih i pomoćnih objekata.
- Izlila se rijeka Raketnica- Šabići i pet stambenih objekata.
- Izlila se Crna rijeka na više mjesta i poplavila regionalni put za Grebak i pet vikendica.
- Izlila se Bijela rijeka i poplavila lokalni put i nekoliko stambenih objekata.
- Aktiviralo se klizište na ulazu u selo Bašci.

Na otklanjanju posljedica od poplava angažovane su organizovane strukture civilne zaštite općine Trnovo, općinska javna preduzeća, kao i preduzeća koja održavaju puteve na području Općine Trnovo.



Također, na otklanjanju posljedica od poplava angažovana je jedna građevinska mašina od službe zaštite i spašavanja Kantona Sarajevo koja je formirana u KJKP Vodovod i kanalizacija i dva kamiona od KJKP Rad.

**Iz općinskih službi civilne zaštite: Stari Grad, Centar, Novo Sarajevo, Vogošća, Ilijaš i Hadžići** smo obaviješteni, da obilne kišne padavine u izvještajnom periodu nisu prouzrokovale veće probleme.

Prema posljednjim podacima s trenu nivoi svih vodostaju na području Kantona Sarajevo su u stagnaciji.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 05.11.2021. godine u 13:34 sati od Policijske stanice Vogošća da su u ul. Stara cesta bb pronađene dvije ručne bombe.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo ukloniti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 13 intervencija i to:

- 10 tehničkih intervencija, od čega je devet intervencija na evakuaciji stanovništva iz poplavljenih područja i ispumpavanju vode iz poplavljenih objekata i jednu na evakuaciji iz zaglavljenog lifta,
- Dvije intervencije na gašenju dimnjaka i dvije na gašenju zapaljenih automobila.

**Osim poplava iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene druge relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave iznosila je 5°C, vlažnost zraka 100%, barometarski pritisak 951,9 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.



Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1